


## DAVIES, CHARLES (1849 - 1927), gweinidog gyda'r Bedyddwyr



**Enw:** Charles Davies  
**Dyddiad geni:** 1849  
**Dyddiad marw:** 1927  
**Rhiant:** Margaret Davies  
**Rhiant:** Daniel Davies  
**Rhyw:** Gwryw  
**Galwedigaeth:** gweinidog gyda'r Bedyddwyr  
**Maes gweithgaredd:** Crefydd  
**Awdur:** David Myrddin Davies

Ganwyd yn Llwynhendy, 1849, mab Daniel a Margaret Davies. Bu'n myfyrion yn y Graig Academy, Abertawe, ysgol ragbaratoi o dan ofal **G. P. Evans**, gweinidog York Place, Abertawe, a derbyniwyd ef yn ddiweddarach i Goleg y Bedyddwyr, Liangollen. Ordeiniwyd ef yn 1870 ar dderbyn ohono alwad i fugeilio Penuel, Bangor. Symudodd yn 1877 i gymryd gofal eglwys Everton Village, Lerpwl; yn 1888 dilynodd **Nathaniel Thomas** yn y Tabernacl, Caerdydd. Ystyrid Charles Davies yn un o bregethwyr arbennig ei gyfnod. Yr oedd yn nodedig am ei dduwiolfrydedd a'i angerdd efengylaidd. Cyhoeddodd gyfrol o bregethau, 1910, ac yr oedd yn cyfrannu'n gyson i gyfnodolion ei enwad yn ogystal a'r *Geninen*. Etholwyd ef yn llywydd Undeb Bedyddwyr Cymru a Mynwy, a thraddododd ei anerchiad o'r gadair ym Mhenuel, Rhymini, 1899. Bu farw 11 Ionawr 1927.

### Awdur

**Y Parchedig David Myrddin Davies**, (1895 - 1980)

### Ffynonellau

*Charles Davies, Caerdydd* (Caerdydd 1933) (gol. J. Williams Hughes), 1933

### Dolenni Ychwanegol

Wikidata: [Q20732692](#)

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

Preifatrwydd a Chwciis  
Hawffraint  
Y Prosiect  
Cymorth  
Cysylltu

LGC  
NLW

LLYFRGEL  
THE NATION



Yn ddiolch i  
Llywodraeth Cymru  
Supported by  
Welsh Government